



Cucuklillerkaita Qaunqellerkait Qitevcesciigalngurnun Yugnun Kalikani 203 Cucuklillerkat Ikayullerkait Kalikartaitni

Nunamteni yuut ayuqenritellriani, Kass'aturlainaq qalarcuitukut, ilait-llu naaqisciiganateng, qanerciiganateng, igarciiganateng wall'u taringesciiganateng Kass'atun. Qalarcesciigalnguut Kass'atun kalikartangqerrarkaugut Kass'atun ikayurluki cucuklillerkaita tungiinun maani Amiulikam iluani. Kalikani 203 Cucuklillerkat Ikayullerkait Kalikartaitni (Voting Rights Act, VRA) ikayularait amlleret maani Amiulikami.

Kalikani 203 Cucuklillerkat Ikayullerkait Kalikartaitni¹

Kalikani 203 qanertuq, yuut ikayurarkauluki kalikani-llu atrit igausngavkararkauluki, nallunritevkararkauluki cucuklillerkaita tungiinun.

Anguyaget cimillrua kalikartat VRA 1975-aami ilaknaluku Kalikani 203 ukut-wa ikayurluki Hispanic, Asian, Amiulikarmiut, Ingqilit cali Alaska-m Yui (Kass'atun qalarcuilnguut) "ilagusnganrilnguut cucuklilrianun." Ikayurnaluki pinarqutengqercelluki, Anguyaget qanertut, "man'a pisciigalliqevkarilleq kitugtarkauguq."

Canek qalartetulit ilakusngaat Kalikani 203?

Kalikani 203 ikayuriuq "Kass'atun qalarcuilngurnun": Hispanics, Asian Amiulikarmiut, Ingqilit, cali Alaskarmiut.

Kia kalikartanek piciqatki ikayurluki-llu qalarcuilnguut Kass'atun?

Tallimani allrakuni, Amiulikarmiut Naaqitulit Yugnek Picirkiuritulit (United States Census Bureau) (ayuqeltassiigluku, nunarpiit cali nunacuaraat) kalikanek pingqerrarkaugut Kass'atun

¹ Uum kalikam ikayurciqai Kass'atun qalarcesciigalnguut Kalikani 203 Cucuklillerkat Ikayullerkait Kalikartaitni. Una kalikaq takngaituq cali pinarqellriaruvkarngaitaat kalikartani.



qalarcesciigalnguut. Naaqitulit Yugnek Picirkiuritulit kalikangqertut Kalikani 203 ukunek. Allani nunani, malruk wall'u pingayun qaneryaraneq qalartitulit amllertut kalikartaneq piyunggallritnek Kalikani 203-m imainek. Ukut pillruut Allussistuam iraluani 2021, wani www.justice.gov/crt/about-language-minority-voting-rights.

Qaillun nunani uitalriani nallunriciiqat ikayumakuneng Kalikani 203?

Naaqitulit Yugnek maliggluki, Amiulikarmiut Caliviat Kalikartaneq Pitulit (United States Department of Justice) tungiinun nallunricetuit nunat Kalikani 203-nek pilegnek.

Calartat Kalikani 203-nek pilget arenqiirturitulit?

Arenqiirturitulit kalikanek cucuklillerkam-tungiinun cali qanaatulinek Kass'aunrilngurnek kalikartaneq cikirarkaugait qaneryarait aturluki tua-i-wa cucukliryugngarivkarluki taringyugngarivkarluki. Kalikani 203 qanertut ikayurarkauluki tamalkuitnun cucuklilianun, kalikanek imirillratnek cucuklillerkaita tungiinun.

Cat cucuklillerkat igausngaat Kalikani 203?

Kalikani 203-m imai ikayuutnguut anguyagtenun (federal), nunamtenun (state), cali nunacuarnun cucuklitulinun tamalkuita cucuklirarkat ilakluki, nunarpiim iluani, anguyagteni cali allani cucuklirarkani.

Mumigcimalriit Yugnun Tuyuqluki Allaneq Qaneryaraget Ilakluki Kalikartat

Cat cali mumigtarkaugat kalikartat cucuklillerkam tungiinun?

Cat kalikartat piarkaulriit imirillerkamun, cucuklillerkam wall' nallunritlerkait, kalikat, maligtaquarkat, ikayullerkait, cucuklillerkam kalikartai cali allat nallunritarkat cucuklillerkam tungiinun, Kass'atun cali allat qaneryarat ilakluki.

Kalikartam imai taringnarqerkaugut Kass'atun piumanrilnguut, taringnaqluten, qaqimaluteng cali assirluteng mumigcimaluteng.

Mumigcimalriit assirluteng mumigcimaarkaugut aperyarat taringnaqluteng allanun qaneryaralegnun. Nunam pistain qalarutarkaugait allaneq qaneryaraget mumigcimalriit assirluteng piumacitnek, cali



ayuqenrilngurnek aperyaralget ilakluki nunaita avataitni uitalriit umyuaqluki.

Igausnganrilnguut qaneryarat, pistait calillgutekluki allanek qaneryaralget qaillun nallunaitellerkaitnek cucuklillerkam igainek cucuklitulit umyuaqluki.

Qaneryaralget Malrugnek Caliviat cali Cucuklilriit Calistait

Qaillun ikayurciqat kiingan qalartelalriit qaneryamegsetun Kalikani 203?

Piarkani Kalikani 203 ikayurarkaugait qanaalluki cucuklilriit qalarcesciigalnguut Kass'atun cucuklillerkaitq elluarrluteng tungiinun.

Calistenek ikayurkameggnek pilartut qalarcugngalrianek ikayurcirluteng. Calistet elitnaurumaarkaugut ikayuriyamek maligtaquluki VRA.

Qavcinek ikayurcirluteng pillerkait cucuklilrianek cucuklirvigmi, pisqutet kalikartat ilakarkaugait ukut, qavcin cucukliryugngaat qaneryarait-llu-qaa igausngaut taringellerkaitnun qalarcugngallrit-llu Kass'atun cuqcimaluni.

Qalaruskunegteki nunacuaraat ikayuryugngait cucuklitulit calistait cali ikayurcirluteng yugtun qalarcetulinek cucuklirvigmi.

Nunacuaraat Ilakluki cali Qalarulluki

Qaillun cucuklitulinun calistet ikayuqengyugngaat yuut pilillerkaitnek qaneryarat allat ilakluki cucuklillerkaita tungiinun?

Allanek qaneryaralget cali ikayurtait piliyugngaut kalikanek Kass'atun pivkenateng taugaam qaneryaraat umyuaqluku cucuklillerkaita tungiinun.

Piliyukuneng ikayurarkameggnek yugnun ikayuqluteng calillgutkarkaugut nunani cucuklitulit calistait cali yuut tamaantetulit cali calivit nunacuarni.

Cucuklitulit calistait cali calillgutekluteng pikuneng allanek qaneryaralget ilakluki qaillun kalikartanek pillerkameggnek, calivkarluki qalartetulit malrugnek qaneryaralget, ikayurluki taringyuilnguut. Man'a pilarat ikayuqengyugngauq qalarcuilingurnun Kass'atun aturluki aturyugngakait kampuutelaat wall'u allakun.



Qaillun yuut ilaucugngaat malrugnek qaneryaralegnun cucuklitulit tungiinun?

Yuut qalarucugnait cucuklitulit calistait, cali nunacuarni calistet wall'u nunarpagni calitulit, ikayurluki qalarulluki qaillun pillerkaita cucuklillerkam tungiinun. Qalartetulit cali malrugnek qaneryaragnek ikayuucugngaut cucuklilrianun, mumigcimalrianun kalikanek wall'u ikayurluki Kass'atun qalarcuilnguut.

Yuut nunacuarni arenqialliqekuneng Kalikani 203 nallunriceskunegteki calistet cucuklirvigmi, ikayunrilkatki-llu una qayagaurniaraat 1-(800) 253-3931 wall'u www.civilrights.justice.gov.

Amiulikarmiut Caliviat Kalikartanek Pitulit yuut assirluki pillerkait picirkiutait

Qaillun cucuklitulit atanrit piarkaugat nunacuarnun ikayuriluteng Kass'atun qalarcuitellrianun cucuklillerkaita tungiinun?

Nallunritevkarluki Cucuklitulit Caliviat nallunricetlarait nunacuaraat Kalikani 203-m imai atularniluki kina-llu ikayurnarqellria cucuklitukan ikayurarkauluku.

Ikayurillerkaq Calistet cucukliryaram tungiinun Caliviat ikayuriarkaugat apyutnek-llu kiugiarkauluteng yugnun qalarcesciigalngurnun Kass'atun cali kalikartam alerquutainek nalluvkarpeknaki.

Cali cucuklitulit calistait Caliviat nunacuarni calitulit cucuklillerkam tungiinun maligtaqullerkaitnek Kalikani 203 cali nalluvkarpeknaki. Makut maligtaquarkat atengqertut "Maligtaqullerkat Igausngalriit Cucuklilriit Pillerkiutait Qalarcuilnguut Kass'atun Umyuaqluki" ("Implementation of the Provisions of the Voting Rights Act Regarding Language Minority Groups"). 28 C.F.R Imai 55 (www.justice.gov/crt/page/file/927236/dl?inline).

Maligtaqullerkaita Tungiinun Calistait cucuklitulit Caliviat nallunaingnaqlarait Kalikani 203-m imai maligtaqunrilkatki-llu kitugivkarluki.



Nallunritlerkaq Cali Amiulikarmiut Caliviat Kalikartanek Pitulit Qalarutlerkait

Nani nalaqucugngasia nallunritarkamnek Kalikani 203-m imainek?

Yuut Assirluki Pillerkait Caliviat Cucuklillerkam Tungiinun qalarucugngaaten qayagauruki 1-(800) 253-3931 wall'u kalikanek imiriluten kampuutelaakun www.justice.gov/crt/about-language-minority-voting-rights.

Qaillun qalarucugngasia Caliviat Kalikani 203-m imainek?

Yuut Assirluki Pillerkait Caliviat Cucuklillerkam tungiinun qalarucugngaaten qayagauruki 1-(800) 253-3931 wall'u kalikanek imiriluten kampuutelaakun www.civilrights.justice.gov.

U. S. Department of Justice
Civil Rights Division

[Justice.gov/voting](https://www.justice.gov/voting)

Central Yup'ik